



Broj: 03-37/26  
Sarajevo, 19.01.2026. godine

Na osnovu člana 57. Zakona o zaštiti ličnih podataka („Službeni glasnik BiH“, broj 12/25), odredbi Uredbe o organizaciji, načinu rada i ovlastima nadzorničke službe zaštite prirode („Službene novine Federacije BiH“, broj 14/16), člana 60. stav (2) Pravila Kantonalne javne ustanove za zaštićena prirodna područja broj: 01-144 U.O./14 od 27.06.2018. godine direktor Kantonalne javne ustanove za zaštićena prirodna područja d o n o s i:

## ODLUKU

### **o uspostavi i korištenju sistema video nadzora i pravilima obrade ličnih podataka putem videonadzora u Kantonalnoj javnoj ustanovi za zaštićena prirodna područja**

#### **Član 1.**

##### **(Predmet)**

Odlukom o uspostavi i korištenju sistema video nadzora i pravilima obrade ličnih podataka putem video nadzora u Kantonalnoj javnoj ustanovi za zaštićena prirodna područja (u daljem tekstu: Odluka), u cilju poštivanja prava na zaštitu privatnosti i ličnog života nosioca podataka, propisuju se pravila obrade ličnih podataka koje u raznim oblicima vrši Kantonalna javna ustanova za zaštićena prirodna područja (u daljem tekstu: Javna ustanova) prilikom:

- prikupljanja, obrade i čuvanja podataka korištenjem sistema video nadzora,
- pravni osnov,
- svrha i upotreba sistema video nadzora u Kantonalnoj javnoj ustanovi za zaštićena prirodna područja,
- uspostava,
- lokacije vršenja sistema video nadzora,
- pristup i evidencija sistema video nadzora i
- druga pitanja vezana za uspostavu, korištenje sistema video nadzora i pravilima obrade ličnih podataka putem sistema video nadzora.

#### **Član 2.**

##### **(Svrha)**

(1) Prikupljanje podataka putem videonadzora iz člana 1. ove Odluke vrši se u svrhu:

- Smanjenja rizika i povećanja sigurnosti ljudi i imovine u smislu zaštite života i zdravlja ljudi i imovine, s ciljem smanjenja izloženosti ljudi i imovine riziku od razbojništva, nasilja, krađe, oštećenja, uništenja, i sl.
- Osiguranja novčanih sredstava Javne ustanove na naplatnim mjestima, kao i sefovima (osiguranja novčanih sredstava kod prijema i predaje).
- Efikasne zaštite zaštićenih prirodnih područja od protupravnih radnji (zaštita prirodnih i kulturnih vrijednosti zaštićenih prirodnih područja, sprečavanja i otkrivanje šumskih krađa, požara i drugih šteta, sprečavanja krivolova i ribolova, sprečavanja i evidentiranja saobraćaja kroz zabrane kretanja motornih vozila i sl.)
- Utvrđivanja odgovornosti Javne ustanove prema trećim licima odnosno odgovornosti trećih lica prema Javnoj ustanovi u vezi obavljanja djelatnosti;
- povećanja sigurnosti radnika Javne ustanove koji rade van redovnog radnog vremena (noćni rad, vikendi, neradni dani, praznici).

- (1) Opseg prikupljanja i daljnja obrada podataka korištenjem sistema video nadzora ograničena na ispunjenje svrhe iz stava (1) ovog člana, te je Javna Ustanova dužna zaštititi podatke u skladu sa Zakonom o zaštiti ličnih podataka BiH, te ostalim propisima koji uređuju predmetnu oblast.
- (2) Sistem video nadzora je dio cjelovitog sistema tehničke zaštite, te je namjenjen prvenstveno nadziranju prostora u obuhvatu zaštićenih prirodnih područja i svih vanjskih površina oko objekata koji se nalaze u obuhvatu zaštićenih prirodnih područja.

### **Član 3.**

#### **(Način prikupljanja ličnih podataka)**

- 1) Lični podaci dobijeni vršenjem video nadzora pohranjivat će se putem tvrdog hard diska, snimača, CD ili drugih medija za pohranjivanje podataka, te praćenje i pregledom video snimaka i fotografija.
- 2) Lični podaci prikupljeni putem video nadzora odnose se na fizička lica ili grupe lica i vozila koja se kreću u djelokrugu uređaja za video nadzor.
- 3) Snimci video-nadzora i fotografije čuvaju se najduže 30 dana, osim ako su potrebni za vođenje postupka snimci i fotografije će se čuvati sve do okončanja vođenja postupka, odnosno u skladu sa potrebama postupka.
- 4) U slučaju opravdane potrebe može se u svakom pojedinačnom slučaju odlučiti da se podaci čuvaju duže ili kraće od vremena navedenog u stavu (3) ovog člana.
- 5) Podaci se pohranjuju u zaštićene digitalne arhive uz kontrolisan pristup.
- 6) Pristup podacima imaju samo ovlaštene osobe, koje su dužne čuvati povjerljivost podataka.
- 7) Sistem video nadzora čine:



- Fiksne i pokretne kamere instalirane na objektima i ulazima u zaštićena područja,
- Prenosne tzv. lovačke kamere koje se koriste za monitoring divljači i za nelegalne aktivnosti u šumarstvu poput nelegalne sječe šume,
- Fotoaparate koje koriste glavni nadzornik nadzornici prirode prilikom službenih obilazaka i fotodokumentovanja nelegalnih radnji,
- Bepilotnu letjelicu (dron) kojom upravlja ovlaštenu zaposlenik radi nadzora nepristupačnih terena, dokumentovanja stanja prirode, uočavanja šumskih požara, uočavanja nelegalnih aktivnosti poput šumskih krađa ili krivolova, zatim za aero foto snimanja područja,
- Monitori i uređaji za snimanje, obradu i pohranu i prijenos video signala (tableti, pametni telefoni i sl.),
- GPS odašiljači u službenim vozilima, koji će biti u službi što racionalnijeg korištenja.

#### **Član 4.**

##### **(Obavještenje o vršenju videonadzora)**

- 1) O vršenju svih oblika video nadzora u Javnoj ustanovu istaći će se javno obavještenje koje će biti istaknuto na vidnom mjestu, kao i na mjestu na kojem je javnosti lako uočljivo, tako da omogućava nosiocima podataka da se obavijeste o vršenju video nadzora.
- 2) Na ulazu u zaštićena prirodna područja i oko objekata koji su predmet video nadzora postaviti će se natpisi „PAŽNJA! OBJEKAT/PROSTOR JE POD VIDEO NADZOROM.“ sa naznakom naziva Ustanove, kontakt telefonom putem kojih mogu dobiti opće informacije o video nadzoru, kao i podatak, odnosno link službene web stranice Agencije za zaštitu ličnih podataka.
- 3) Javna ustanova će putem web stranice obavijestiti o korištenju video nadzora i dronova.
- 4) Lokacije vršenja video nadzora kao i broj kamera iz Ove Odluke bit će sadržane u Listi koja je sastavni dio Odluke, a koja će se ažurirati svakom izmjenom broja kamera/lokacija, a koja je dostupna Poslodavcu i ovlaštenom licu kojeg će Poslodavac imenovati posebnom odlukom.

#### **Član 5.**

##### **(Lokacije vršenja videonadzora)**

Lokacije vršenja videonadzora iz ove Odluke su sadržane u Listi koja je sastavni dio ove Odluke, a koja će se ažurirati svakom izmjenom broja kamera.

#### **Član 6.**

##### **(Videonadzor u službenim prostorijama)**

Videonadzor se neće vršiti u službenim prostorijama i kancelarijama u kojima zaposleni borave, osim na naplatnim mjestima koji se nalaze na području Spomenika prirode „Vrelo Bosne“ i Zaštićenog pejzaža „Bijambare“, kao i mjestu čuvanja podataka.

## **Član 7.**

### **(Pristup videonadzoru)**

Sistem videonadzora koji se koristi za vršenje videonadzora, kao i videozapisi i fotografije koji sadrže lične podatke moraju biti zaštićeni od neovlaštenog pristupa.

Uredaji za emitovanje i čuvanje videozapisa i fotografija će se nalaziti u posebnoj prostoriji koja je fizički odvojena od ostalog službenog prostora i obezbijedena sistemom zaključavanja.

## **Član 8.**

### **(Korištenje ličnih podataka)**

(1) Videozapisi i fotografije koji sadrže lične podatke dobijene snimanjem putem oblika videonadzora iz člana 1. ove Odluke mogu se kopirati ili drugačije elektronski obrađivati jedino u svrhu dokazivanja u:

- a) krivičnom postupku,
- b) prekršajnom postupku,
- c) internom postupku za utvrđivanje povrede službene dužnosti (unutrašnja istraga),
- d) disciplinskom postupku,
- e) postupku za utvrđivanjem materijalne odgovornosti.

(2) Lični podaci koji se obrađuju putem videonadzora mogu se ustupiti javnim organima na osnovu propisa kojima je regulisan njihov rad, kao i na osnovu službenog zahtjeva uz obavezno navođenje pravnog osnova, svrhe i razloga obrade traženih podataka, a fizičkim i drugim pravnim licima u skladu sa odredbama Zakona o slobodi pristupa informacija u Federaciji Bosne i Hercegovine kao i Zakonom o zaštiti ličnih podataka.

## **Član 9.**

### **(Evidencija videonadzora)**

(1) Javna ustanova će uspostaviti i voditi Evidenciju o video nadzoru.

(2) Evidencija iz stava (1) ovog člana mora sadržavati slijedeće podatke:

- Ime i kontakt podatke obrađivača podataka,
- Svrha obrade,
- Datum, vrijeme i mjesto pristupa video nadzoru,
- Izgled video zapisa odnosno fotografije,
- Ime i prezime osobe koja je preuzela medijski zapis, kao i potpis osobe koja je predala zapis.



Član 10.

(Stupanje na snagu)

Ova Odluka stupa na snagu narednog dana od dana njenog donošenja.

*Pripremili:*

*Emira Sadić*

*Muhamed S*

Dostaviti:

- Svim  
ploč
- Na w
- a/a